

## **A Mga hinapos.**

- ❖ Mga malipayong hinapos. Job 42:10, 17.
  - Si Job naghinapos nga duha ka pilo sa tanan nga anaa siya sa una. Dugang niini, ang iyang mga anak nga babaye maoy mga labing maanyag ibabaw sa yuta. Naabtan niya ang iyang mga apo ug mga apo sa tuhod ug siya nagpuyog dugang nga 140 ka tuig sa paglingawlingaw sa tanang butang!
  - Kadto maoy usa ka malipayong hinapos, apan sa kataposan namatay si Job.
- ❖ Mga masulob-ong hinapos. Salmo 37:37
  - Tanan bang matarung tawo mihantung sa usa ka malipayong hinapos? Tun-an nato ang mga mosunod nga pananglitan: Abel (Gen. 4:8); Eli (1Sam. 4:18); Urias (2 Sam. 11:17); Josias (2 Cron. 35:22-24); Juan Bautista (Mat. 14:10); Esteban (Buhat 7:59-60).
  - Mahimong mohantung kitag malipayon o masalub-ong hinapos ning kinabuhia, apan ang kataposan sulosama ra alang sa matag usa; kamatayon.
  - Nganong kalinaw ang kaugmaon sa matarung tawo?

## **B Mga Pagpahibalik.**

- ❖ Tipik nga pagpahibalik.
  - Ang pagpahibalik ni Job dili bug-os. Sa gihapon Iyang nahinumduman ang nangamatay niyang mga anak ug ang makahahadlok nga kasinatian nga iyang naagian...
  - Bisan unsa pay atong naagian. Sama sa kang Job, ang atong pagpahibalik dili gayud makompleto ning kinabuhia. Kanunay adunay mga pangutana nga walay tubag ug mga samad nga wala maalim.
  - Pero, ang Dios nakasaad nga Siya “magadalag kahayag sa mga tinagong butang sa kangitngit.” Iyang ipahibalik kita sa hingpit sa umalabot.
- ❖ Hingpit nga Pagpahibalik. Daniel 2:44; 7:18.
  - Nagasaysay ang Biblia nga ang makasasalang kasaysayan sa tawhanong binuhat adunay kataposan. Ang Dios magapahibalik sa tanang butang ngadto sa unang kahimtang. Iyang pagapapason ang sala ug ang mga sangpotanan niini sa walay kataposan.
  - Ang libro sa Job nagahinapos sa iyang kamatayon, apan dili kana maoy kataposan sa iyang sugilanon. Ang kamatayon dili usab maoy kataposan sa atong sugilanon.
  - Puhon “ang mga balaan sa Kintas-ang Uyamot magadawat sa gingharian, ug magapanunod sa gingharian sa walay kataposan, bisan pa hangtud sa hangtud” (Daniel 7:18). Kana mamahimong adlaw sa atong hingpit nga pagpahibalik.

## **C Ang kataposan sa mga hinapos. Job 14:14-15.**

- ❖ Ang kataposan sa mga hinapos moabot uban ang pagpahibalik sa walay kataposang Gingharian sa Dios. Unya wala na unyay mga hinapos pa.
- ❖ Nianang gutloa, daghang mga balaan sa nagkadaiyang katuigan nga nangamatay na ug tingali basin nangamatay na sab kita.
- ❖ Mabuhi pa ba kita pag-usab? Si Job adunay timgas nga tubag nianang pangutanaha. Sa dihang makadungog siya sa Tingog sa nagatawag kanato, siya magatubag uban ang usa ka binanhaw nga lawas. Ug kadtong mga buhi pa maalid-an sa pagkabati nianang Tingoga (1 Corinto 15:52; Juan 5:28).